

SESIÓN ORDINARIA CONXUNTA DAS COMISIÓNS INFORMATIVAS

PERMANENTES DO DÍA 27 DE OUTUBRO DE 2009

No salón de sesións da casa do Concello de Cambre, ás vinte horas do día vinte e sete de outubro de 2009, reúnense simultaneamente nun mesmo acto, tal e como establece o artigo 134.1 alínea 4ª do Regulamento orgánico municipal, en sesión ordinaria e primeira convocatoria, os membros das comisións informativas permanentes de estudo, informe, consulta e seguimento, coa denominación e concelleiros adscritos que a continuación se relacionan, segundo se deriva da acta da sesión extraordinaria da corporación municipal de data 22 de agosto de 2009.

A) Comisión Informativa de Economía, Facenda, Contratación, Patrimonio Municipal e Réxime Interior

Asistentes:

- | | |
|-------------|---|
| Presidente: | • Don José Venancio Salcines Cristal, do PSdeG-PSOE |
| PSdeG-PSOE: | • Don Jaime Manuel López Lisnier, por imposibilidade de asistencia de don Francisco Javier Varela Tejedor
• Dona Mª Beatriz Ramos Padín, por imposibilidade de asistencia de dona Carmen Tato Lago |
| PP: | • Don Felipe Andreu Barallobre
• Dona Mª Jesús Vieites Mariñas, por imposibilidade de asistencia de don Nicolás José Cubeiro Martínez
• Don Santiago Manuel Ríos Rama |
| BNG: | • Dona Laura Fernández Martínez, por imposibilidade de asistencia de don Antón Otero Domínguez
• Don Henrique Xabier Iglesias Oviedo |
| EU-IU: | • Don Luis Miguel Taibo Casás |
| GM (PG): | • Don Manuel Marante Gómez |

Asiste, como persoal da Corporación para efectos informativos, dona Mª Irache Enríquez Albaina, interventora.

B) Comisión Informativa de Urbanismo, Seguridade Cidadá e Transportes

Asistentes:

- Alcalde-Presidente: • Don Antonio Varela Saavedra, do PSdeG-PSOE
- PSdeG-PSOE: • Dona M^a Beatriz Ramos Padín
• Don Jaime Manuel López Lisnier, por imposibilidade de asistencia de don Francisco Javier Varela Tejedor
- PP: • Don Santiago Manuel Ríos Rama, por imposibilidade de asistencia de don Nicolás José Cubeiro Martínez
• Don Felipe Andreu Barallobre
• Dona Goretti Pérez Eléxpuru
- BNG: • Don Henrique Xabier Iglesias Oviedo
• Dona Laura Fernández Martínez, por imposibilidade de asistencia de don Antón Otero Domínguez
- EU-IU: • Don Luis Miguel Taibo Casás
- GM (PG): • Don Manuel Marante Gómez

C) Comisión Informativa de Medio Ambiente, Obras e Servizos

Asistentes:

- Presidente: • Don Henrique Xabier Iglesias Oviedo, do BNG
- PSdeG-PSOE: • Dona Erundina Prado Arcay, por imposibilidade de asistencia de don Francisco Javier Varela Tejedor
• Don Jaime Manuel López Lisnier
• Dona M^a Beatriz Ramos Padín
- PP: • Don Santiago Manuel Ríos Rama
• Dona Goretti Pérez Eléxpuru, por imposibilidade de asistencia de don Nicolás José Cubeiro Martínez
• Don Felipe Andreu Barallobre
- BNG: • Dona Gumersinda Becerra Montes

EU-IU: • Don Luis Miguel Taibo Casás

GM (PG): • Don Manuel Marante Gómez

D) Comisión Informativa de Educación, Deportes, Cultura, Benestar Social e Normalización Lingüística

Asistentes:

Presidente: • Don Jaime Manuel López Lisnier, do PSdeG-PSOE

PSdeG-PSOE: • Don Erundina Prado Arcay
• Dona M^a Beatriz Ramos Padín, por imposibilidade de asistencia de dona Carmen Tato Lago

PP: • Dona Goretti Pérez Eléxpuru
• Don M^a Jesús González Roel
• Dona M^a Jesús Vieites Mariñas

BNG: • Dona Gumersinda Becerra Montes
• Don Henrique Xabier Iglesias Oviedo, por imposibilidade de asistencia de don Antón Otero Domínguez

EU-IU: • Don Juan Antonio Fernández López

GM (PG): • Don Manuel Marante Gómez

E) Comisión Informativa de Participación Cidadá, Igualdade e Turismo

Asistentes:

Presidente: • Dona Laura Fernández Martínez, do BNG

PSdeG-PSOE: • Dona Erundina Prado Arcay
• Dona M^a Beatriz Ramos Padín, por imposibilidade de asistencia de Carmen Tato Lago
• Don José Venancio Salcines Cristal

Sometido o asunto a votación ordinaria, votan a prol os tres concelleiros do PSdeG-PSOE, os dous concelleiros do BNG e o concelleiro de EU-IU, e abstéñense os tres concelleiros do PP e o concelleiro do GM (PG).

A comisión, por seis votos a prol, ditamina favorablemente a seguinte proposta de acordos ao pleno da corporación:

Primeiro: Delegar na Deputación Provincial da Coruña as competencias necesarias para a instrución dos expedientes sancionadores por denuncias cursadas polo Concello de Cambre por infracción das normas sobre tráfico, circulación de vehículos a motor e seguridade viaria, con adhesión particular e expresa do Concello de Cambre ás bases para a prestación de servizos en materia de sancións por infracción das normas sobre tráfico, circulación de vehículos a motor e seguridade viaria, aprobadas pola Deputación Provincial na sesión plenaria do 26 de xuño de 2009.

Segundo: Publicar este acordo no Boletín Oficial da Provincia e abrir un prazo de trinta días hábiles contados dende o día seguinte ao da publicación, para a presentación de alegacións ao devandito acordo.

Terceiro: De non presentarse alegacións dentro do prazo establecido, este acordo quedará definitivamente aprobado.

2º Proposta de modificación para o 2010, das ordenanzas fiscais números 14 e 15, reguladoras das taxas pola utilización das instalacións deportivas municipais e pola prestación de servizos deportivos, e por subministración de auga

Vista a proposta do concelleiro delegado da área de Economía, Facenda, Contratación e Patrimonio Municipal de data 16 de outubro de 2009.

Don José Venancio Salcines Cristal expón que non se modifican as taxas en canto á parte económica, senón que as modificacións son técnicas, de redacción, etc., pero non hai subida nin de impostos nin de taxas.

Sometido o asunto a votación ordinaria, votan a prol os tres concelleiros do PSdeG-PSOE, e os dous concelleiros do BNG, e abstéñense os tres concelleiros do PP, o concelleiro de EU-IU e o concelleiro do GM (PG).

A comisión, por cinco votos a prol, ditamina favorablemente a seguinte proposta de acordos ao pleno da corporación:

Primeiro: Aprobar provisionalmente para o exercicio 2010 e seguintes as modificacións do texto das ordenanzas fiscais que a continuación se relacionan, segundo se transcribe a continuación:

- Ordenanza fiscal n.º 14, reguladora da taxa pola utilización das instalacións deportivas municipais e pola prestación de servicios deportivos.

Modifícase a presente ordenanza fiscal, quedando como segue:

- Ordenanza fiscal nº14, reguladora da taxa pola utilización de instalacións deportivas municipais.

Artigo 1º. - Fundamento e natureza.

Ó amparo do previsto nos artigos 57 e 20, epígrafes 1 e 4.o) do Real decreto lexislativo 2/2004, de 5 de marzo, e de conformidade co que dispoñen os artigos 15 a 19 de dito texto legal, este Concello establece a “taxa pola utilización das instalacións deportivas municipais”, que se rexerá pola presente ordenanza fiscal.

Artigo 2º. - Feito imponible.

Constitúe o feito imponible da taxa a utilización das instalacións deportivas municipais especificados nas tarifas contidas no artigo 5º da presente ordenanza.

Artigo 3º. - Suxeito pasivo.

Son suxeitos pasivos da taxa, en concepto de contribuíntes, as persoas físicas e xurídicas, así como as entidades a que se refire o artigo 35.4 da Lei xeral tributaria, que se beneficien da utilización das instalacións deportivas municipais que constitúen o feito imponible da taxa.

Artigo 4º. - Responsables.

1. Responderán solidariamente das obrigas tributarias do suxeito pasivo tódalas persoas que sexan causantes ou colaboren na realización dunha infracción tributaria.

2. Os copartícipes ou cotitulares das entidades xurídicas ou económicas a que se refire o artigo 35.4 da Lei xeral tributaria responderán solidariamente en proporción as súas respectivas participacións das obrigas tributarias de ditas entidades.

3. Os administradores de persoas xurídicas que non realizaren os actos da súa incumbencia para o cumprimento das obrigas tributarias daquelas responderán subsidiariamente das débedas seguintes:

- a) Cando cometeran unha infracción tributaria simple, do importe da sanción.
- b) Cando cometeran unha infracción tributaria grave, da totalidade da débeda esixible.
- c) En supostos de cese das actividades da sociedade, do importe das obrigas tributarias pendentes na data de cese.

4. A responsabilidade esixirase en todo caso nos termos e consonte ó procedemento previsto na Lei xeral tributaria.

Artigo 5º.- Cota tributaria.

A contía da taxa determinarase aplicando as tarifas seguintes:

Uso de instalacións deportivas municipais:

Pavillóns polideportivos municipais. Tarifas:

	Concepto	Tarifa
1.1	Por hora de utilización	26,25 euros
1.2	Por hora de utilización entre 24:00 h e 9:00 h	31,50 euros
1.3	Equipos federados municipais sénior por hora	10,50 euros
1.4	Equipos categoría sénior e afeccionados participantes en torneos municipais por hora	15,75 euros
1.5	Suplemento por despacho (de billetes)	99,75 euros

Campos de fútbol. Tarifas:

	Concepto	Tarifa
1.6	Equipos federados do municipio por hora	31,50 euros
1.7	Equipos non federados do municipio por hora	63,00 euros
1.8	Suplemento por despacho (de billetes)	31,50 euros

Pistas polideportivas e canchas de tenis. Tarifas:

	Concepto	Tarifa
1.9	Por hora de utilización	7,35 euros

Piscinas municipais. Tarifas:

	Concepto	Tarifa
1.10	Entrada libre por día, veciños do municipio	2,21 euros
1.11	Entrada libre bono 6 entradas, veciños do municipio	10,50 euros
1.12	Entrada libre bono 24 entradas, veciños do municipio	31,50 euros

Ximnasia e rocódromo. Tarifas:

	Concepto	Tarifa
1.16	Por hora de utilización e persoa	2,10 euros

Campos de chave. Tarifas:

	Concepto	Tarifa
1.17	Por hora de utilización	12,50 euros

Os grupos/equipos ou veciños doutros municipios terán un suplemento do 100% das tarifas polo uso das instalacións.

Malia o anterior, a cota da taxa pola utilización das instalacións deportivas será cero nos seguintes supostos:

a) Os actos gratuítos organizados por entidades sen fin de lucro en colaboración co Concello.

b) As actividades das comunidades escolares de centros de ensino público para actos propios da súa finalidade educativa, ata un máximo de sete horas semanais por comunidade escolar.

c) As competicións deportivas federadas de base e o deporte en idade escolar.

d) Os adestramentos deportivos de entidades de carácter deportivo sen fin de lucro, inscritas no rexistro municipal para categorías de base ata xuvenís inclusive na proporción dunha hora por cada dous equipos e tres horas semanais como máximo.

As entidades xuvenís terán unha hora semanal exenta.

Outras entidades sen fin de lucro municipais, para actos non deportivos, terán que solicitar a exención presentando unha memoria explicativa da finalidade do uso.

Artigo 7º. - Réxime de declaración e ingreso.

O ingreso da taxa realizarase mediante autoliquidación, no momento de solicitar a utilización das instalacións deportivas municipais, ingresando o seu importe o solicitante nas entidades bancarias colaboradoras deste Concello e sempre antes de iniciar a ocupación.

Artigo 8º. - Infraccións e sancións.

As infraccións e sancións en materia tributaria rexeranse polo disposto nos artigos 178 e seguintes da Lei xeral tributaria e a súa normativa de desenvolvemento.

- Ordenanza fiscal n.º15, reguladora da taxa por subministración de auga.

Modifícase o artigo 5º da presente ordenanza fiscal, quedando como segue:

Artigo 5º. – Beneficios fiscais.

1.- Aplicarase unha bonificación do 100% sobre o mínimo facturable determinado para os usos domésticos a aqueles contribuíntes cuxos ingresos anuais sexan inferiores ó salario mínimo interprofesional referido a toda a unidade familiar, sempre que acrediten a súa falta de capacidade económica para o pagamento da cota correspondente, segundo informe dos servizos sociais do Concello de Cambre ó respecto. Os excesos facturaranse segundo as tarifas establecidas nos apartados 1.2 e 1.3 do epígrafe 1 do artigo seguinte.

A bonificación aplicarase por primeira vez na facturación correspondente ao trimestre seguinte á do acordo de aprobación da mesma.

2.- Establécese unha bonificación das cotas para o consumo doméstico da auga potable a aquelas vivendas nas que convivan máis de cinco persoas ou o titular da póliza de abono ou o seu cónxuxe, ostente a condición de titular de familia numerosa, sempre que todos os membros estean empadroados na mesma vivenda.

O beneficiario da bonificación terá que ser titular da póliza de abono ó subministro da auga e estar empadroado na vivenda obxecto da bonificación. O número de fillos acreditarase mediante a presentación do carné de familia numerosa.

A bonificación aplicarase por primeira vez na facturación correspondente ao trimestre seguinte á do acordo de aprobación da mesma.

O importe das bonificacións será o seguinte:

- a) Nos abonos de vivendas habitadas por menos de oito persoas, disfrutarán dunha bonificación no prezo dos m³ consumidos no trimestre que superen os 30. Así, nestes casos aplicarase a tarifa 1.B e non a tarifa xeral.
- b) Cando a vivenda estea habitada por oito persoas ou máis, disfrutarán dunha bonificación no prezo dos m³ consumidos no trimestre que superen os 30. Nestes casos será de aplicación a tarifa 1.C e non a tarifa xeral.

3. Durante o primeiro trimestre de cada ano, o Concello comprobará que os beneficiarios destas bonificacións seguen a reunir os requisitos necesarios para o disfrute das mesma. Para o cal os beneficiarios deberán presentar, antes do 28 de febreiro, ante o concello, a documentación acreditativa daqueles extremos tanto da súa situación familiar e de convivencia, como económica a 1 de xaneiro do ano en curso, que ocasionaron a súa concesión. De non aportar a xustificación necesaria nese termo, procederase a revocar a bonificación concedida con efectos 1 de xaneiro dese mesmo ano.

Segundo: As ordenanzas fiscais vixentes na actualidade non sinaladas nos acordos precedentes, continuarán vixentes ata que non se acorde a súa modificación ou derogación.

Terceiro: As citadas modificacións comezarán a aplicarse a partir do día 1 de xaneiro do ano 2010, e manteranse vixentes ata a súa modificación ou derogación expresa.

Cuarto: Expor ao público no taboleiro de anuncios do Concello os citados acordos provisionais, así como o texto completo das ordenanzas fiscais modificadas durante o prazo de trinta días hábiles, contados dende o día seguinte ao da publicación do anuncio de exposición no Boletín Oficial da Provincia. Igualmente publicarase o de exposición nun diario dos de maior difusión da provincia.

Durante o período de exposición pública da ordenanza, os que teñan un interese directo, nos termos previstos no artigo 18 do Real decreto legislativo 2/2004, poderán examinar o expediente e presentar as reclamacións oportunas. Transcorrido o período de exposición pública sen presentar reclamacións, os acordos adoptados quedarán definitivamente aprobados.

Quinto: Publicar no Boletín Oficial da Provincia os acordos definitivos que, unha vez transcorrido o período de exposición pública procede adoptar, así como o texto das ordenanzas modificadas.

3º Proposta de modificación para o 2010, dos acordos reguladores números 1, 2, 3 e 4, reguladores dos prezos públicos por actividades culturais, extraescolares, deportivas de verán e xuvenís

Vista a proposta do concelleiro delegado da área de Economía, Facenda, Contratación e Patrimonio Municipal de data 16 de outubro de 2009.

Don José Venancio Salcines Cristal expón que se manteñen as tarifas actuais.

Sometido o asunto a votación ordinaria, votan a prol os tres concelleiros do PSdeG-PSOE, e os dous concelleiros do BNG, e abstéñense os tres concelleiros do PP, o concelleiro de EU-IU e o concelleiro do GM (PG).

A comisión, por cinco votos a prol, ditamina favorablemente a seguinte proposta de acordos ao pleno da corporación:

Primeiro: Aprobar a modificación do texto dos acordos reguladores de prezos públicos, que a continuación se relacionan, segundo se transcribe a continuación:

- Acordo regulador nº 1 do prezo público por actividades culturais.

Modifícase o artigo 4º apartados 2 e 3, do presente acordo regulador, quedando como segue:

Artigo 4.- Contía.

2. Reducións.

A contía dos prezos públicos aos que se refire este acordo, verase reducida na porcentaxe que se sinala en cada un dos supostos seguintes:

a) As persoas que acrediten formar familia numerosa, o 50 por 100 da cota en cada actividade.

b) Cando se inscriban, polo menos, tres participantes dunha mesma unidade familiar, o 50 por 100 nas cotas correspondentes aos menores de idade integrantes dela.

c) As persoas con 55 anos ou máis, o 25 por 100 da cota.

d) As persoas que acrediten debidamente figurar nos rexistros do paro, ou ben no caso dos menores de idade cando ambos proxenitores ou o titor do participante o acrediten, así como as persoas pertencentes ó voluntariado de Cambre, terán unha bonificación do 30

por 100 da cota. Para acreditar a dita situación, deberase entregar xunto coa solicitude copia da tarxeta do paro actualizada.

e) Os posuidores do “carné xove” ou “carné propio da omix”, terán unha bonificación do 20 por 100 da cota. Para obter a dita bonificación deberase entregar xunto coa solicitude copia do “carné xove”, ou “carné propio da omix”.

f) As persoas que acrediten a súa falta de capacidade económica para o pagamento da tarifa correspondente segundo informe dos servizos sociais do Concello de Cambre ao respecto, o 100 por 100 da cota.

3. As reducións reguladas no apartado anterior, só serán de aplicación a aquelas persoas empadroadas no municipio de Cambre, excepto os posuidores do “carné xove”, e membros do voluntariado de Cambre, non sendo posible aplicar máis dunha delas. En caso de que unha das reducións aplicables, o sexa por ser a persoa pertencente o voluntariado de Cambre, á maior delas aplicaráselle unha redución acumulable do 10%.

- Acordo regulador nº 2 do prezo público por actividades Extraescolares Municipais.

Modifícase o artigo 4º apartados 1 e 3, do presente acordo regulador, quedando como segue:

Artigo 4º.- Contía

1.- A contía do prezo público do Programa de Actividades Extraescolares determinarase aplicando as tarifas do cadro seguinte:

Tarifa mensual	Programa de Actividades nos Centros Escolares	Euros
1	Participación nunha actividade cultural ou deportiva, ou outra actividade (de 75 minutos de duración semanal)	7,50
2	Participación en dúas actividades: unha cultural ou outra e unha actividade deportiva ou outra (de 75 minutos de duración semanal cada actividade)	9,00
Tarifa mensual	Programa de Outras Actividades	Euros
3	Informática (curso de 60 minutos de duración semanal)	7,50
4	Escola de Tenis (curso de 75 minutos de duración semanal)	7,00
5	Escola de Xadrez (curso de 90 minutos de duración semanal)	4,50
6	Ciclismo	4,00
7	Hockey sobre patíns (curso de 75 minutos de duración semanal)	7,00
8	Participación nunha actividade cultural ou deportiva, ou outra actividade (de 75 minutos de duración semanal)	7,00

Tarifa por hora	Programa de actividades extraescolares en periodos vacacionais	Euros
9	Por hora de programa	1,00

As persoas non empadroadas no municipio de cambre terán un suplemento do 50 por 100 nas tarifas do “Programa de Actividades nos centros escolares” e no de “Programa de Outras actividades”

3. A cota do Programa de actividades extraescolares verase reducida na porcentaxe que se sinala en cada un dos supostos seguintes:

- a. As persoas que acrediten formar familia numerosa, o 50 por 100 da cota.
- b. Cando se inscriba máis dun irmán dunha unidade familiar no mesmo programa, que non formen familia numerosa, ao primeiro cobraráselle o 100 por 100 da cota e aos seguintes un 50 por 100 da cota. En todo caso, o desconto aplicarase sempre ás cotas menores.
- c. As persoas que acrediten debidamente figurar nos rexistros do paro, ou ben no caso dos menores de idade cando ambos proxenitores ou o titor do participante o acrediten, así como as persoas pertencentes ó voluntariado de Cambre, terán unha bonificación do 30 por 100 da cota. Para acreditar a dita situación, deberase entregar xunto coa solicitude copia da tarxeta do paro actualizada
- d. Os posuidores do “carné xove” ou “carné propio da omix”, terán unha bonificación do 20 por 100 da cota. Para obter a dita bonificación deberase entregar xunto coa solicitude copia do “carné xove” ou “carné propio da omix”.
- e. As persoas que acheguen informe remitido polos Servizos Sociais do Concello de Cambre, o 100 por 100 da cota.
- f. Cando unha mesma persoa se inscriba en máis dunha actividade do mesmo programa de Outras Actividades, pagará o 100 por 100 da cota da actividade de maior importe e o 50 por 100 da menor.

En caso de ter dereito a máis dun desconto, só se aplicará o maior deles.

As reducións, só serán de aplicación a aquelas persoas que figuren empadroadas no municipio de Cambre, excepto os posuidores do “carné xove” e membros do voluntariado de Cambre.

- Acordo regulador nº 3 do prezo público por actividades deportivas de verán

Modifícase o presente acordo regulador, quedando como segue:

- Acordo regulador nº 3 do prezo público por actividades deportivas.

Artigo 1º. - Fundamento e natureza.

Ao abeiro do previsto no artigo 127, en relación co artigo 41, ambos do Real decreto legislativo 2/2004, de 5 de marzo, regulador das facendas locais, este Concello establece o prezo público por actividades deportivas municipais regulado polo presente acordo.

Artigo 2º. - Concepto.

Os prezos públicos aquí regulados constitúen prestacións patrimoniais de carácter público que se satisfarán polos usuarios que voluntariamente soliciten algunha das actividades deportivas municipais.

Artigo 3º. - Obrigados ó pagamento.

Están obrigados ó pagamento do prezo público, regulado nesta ordenanza, quen se beneficien das actividades realizadas por este Concello a que se refire o artigo anterior.

Artigo 4º.- Contía.

1. A contía do prezo público, determinarase aplicando as seguintes tarifas:

Epígrafe 1. Servizo de escolas deportivas municipais. Tarifas:

	Concepto	Tarifa mensual
1.1	Ximnasia de mantemento de adultos	14,50 euros
1.2	Ximnasia de mantemento de adultos en centros deportivos	14,50 euros
1.3	Escola deportiva de judo	13,00 euros
1.4	Escola deportiva de patinaxe artística	13,00 euros
1.5	Escola deportiva de tenis (perfeccionamento)	15,50 euros
1.6	Outras escolas deportivas (2 horas semanais)	13,00 euros
1.7	Outras escolas deportivas (3 horas semanais)	16,00 euros
1.8	Outras escolas deportivas (4,5 horas semanais)	18,00 euros

Epígrafe 2. Plan de promoción deportiva. Tarifas:

	Concepto	Tarifa/curso
2.1	Escolas de promoción deportiva	27,51 euros
2.2	Cursos de iniciación á equitación de 20 horas	109,20 euros

2.3	Cursos de ata 15 horas	40,95 euros
2.4	Cursos de ata 30 horas	81,90 euros
2.5	Cursos de formación de técnicos deportivos. Cursos realizados en colaboración con outras administracións, federacións deportivas:	
	2.5.1 Ata 50 horas	150,00 euros
	2.5.2 Ata 100 horas	218,00 euros
	2.5.3 Ata 200 horas	286,00 euros

Epígrafe 3. Actividades de Verán . Tarifas:

	Concepto	Tarifa/curso
3.1	Tenis	24,20 euros
3.2	Escalada	17,10 euros
3.3	Kick-boxing	17,10 euros
3.4	Ximnasia mantemento	17,10 euros
3.5	Tai-chi	17,10 euros
3.6	Wind-surf/vela	72,10 euros
3.7	Piragüismo	34,20 euros
3.8	Iniciación atletismo	53,50 euros
3.9	Iniciación á equitación	23,20 euros
3.10	Outros cursos de ata 20 horas	17,10 euros
3.11	Outros cursos, por cada 10 horas máis do fixado no 3.10	7,00 euros
3.12	Campamento Urbano 15 días	75,00 euros
3.13	Campamento Urbano 1 mes	150,00 euros

Sen prexuízo do disposto neste artigo, a contía do prezo público será a que fixe, en cada caso, o Pleno da Corporación, ou en caso de delegación polo mesmo, a Xunta de Goberno Local, de acordo co artigo 47 do Real decreto lexislativo 2/2004, de 5 de marzo, e artigo 23 da Lei 7/1985, de 2 de abril.

O Pleno da Corporación ou en caso de delegación polo mesmo, a Xunta de Goberno Local de acordo co artigo 44, apartado 2, do Real decreto lexislativo 2/2004, de 5 de marzo poderá fixar prezos públicos que non cubran o custe do servizo ou actividade prestado, dado que nestes casos concorren razóns sociais, culturais ou de interese público que así o aconsellen, ao perseguir con estas actividades a consecución do mandato establecido na Constitución española de fomento da educación física e o deporte , así como a adecuada utilización do ocio (artigo 43.3).

2. Reducións.

A contía dos prezos públicos aos que se refire este acordo, verase reducida na porcentaxe que se sinala en cada un dos supostos seguintes:

a) As persoas que acrediten formar familia numerosa, o 50 % da cota en cada actividade.

b) Cando se inscriban, polo menos, tres participantes dunha mesma unidade familiar nun mesmo programa deportivo aplicarase o desconto do 50 % ás cotas correspondentes ós menores integrantes dela.

c) As persoas con 55 anos ou máis, o 25 por 100 da cota.

d) As persoas que acrediten debidamente figurar nos rexistros do paro, ou ben no caso dos menores de idade cando ambos proxenitores ou o titor do participante o acrediten, así como as persoas pertencentes ó voluntariado de Cambre, terán unha bonificación do 30 por 100 da cota. Para acreditar a dita situación, deberase entregar xunto coa solicitude copia da tarxeta do paro actualizada.

e) Os posuidores do “carné xove” ou “carné propio da omix”, terán unha bonificación do 20 por 100 da cota. Para obter a dita bonificación deberase entregar xunto coa solicitude copia do “carné xove”, ou “carné propio da omix”.

f) As persoas que acrediten a súa falta de capacidade económica para o pagamento da tarifa correspondente segundo informe dos servizos sociais do Concello de Cambre ao respecto, o 100 por 100 da cota.

g) Terán unha bonificación do 100%, sen limitación de renda, as persoas de 65 anos ou mais inscritas na actividade de ximnasia de mantemento, bonificación que se aplicará tamén aos viúvos/-as, coa limitación do espazo físico da aula.

3. As reducións reguladas no apartado anterior, só serán de aplicación a aquelas persoas que figuren empadroadas no municipio de Cambre excepto para os posuidores do “carne xove” e membros do voluntariado de Cambre.

En caso de ter dereito a máis dunha redución, só se aplicará a maior delas. En caso de que unha das reducións aplicables, o sexa por ser a persoa pertencente o voluntariado de Cambre, á maior delas aplicaráselle unha bonificación acumulable do 10 por 100.

4. Os veciños doutros municipios terán un suplemento do 50 % nas tarifas das escolas deportivas municipais e plan de promoción deportiva.

Artigo 5º. - Obriga do pagamento.

1. A obriga do pagamento do prezo público regulado nesta ordenanza nace dende que se inicie a realización da actividade, se ben se esixe o seu depósito previo de acordo co artigo 46.1 do Real decreto legislativo 2/2004.

2. Para os efectos, o ingreso do prezo público realizarase previamente á autorización mediante domiciliación bancaria, que será obrigatoria.

3. No suposto de que por causas non imputables ao interesado deixara de realizarse a actividade solicitada procederase á devolución do depósito constituído.

Artigo 6º. - Infraccións e sancións.

As infraccións e sancións rexeranse polo disposto nos artigos 178 e seguintes da Lei xeral tributaria e a súa normativa de desenvolvemento.

- Acordo regulador nº 4 do prezo público por actividades xuvenís

Modifícase o presente acordo regulador, quedando como segue:

Artigo 1º. - Fundamento e natureza.

De acordo co previsto no artigo 127, en relación co artigo 41, ambos do Real decreto lexislativo 2/2004, de 5 de marzo, regulador das facendas locais, este Concello establece prezos públicos por actividades xuvenís municipais regulados polo presente acordo.

Artigo 2º. - Concepto.

Os prezos públicos aquí regulados constitúen prestacións patrimoniais de carácter público que se satisfarán polos usuarios que voluntariamente soliciten algunha das actividades xuvenís municipais.

Artigo 3º. - Obrigados ó pagamento.

Están obrigados ó pagamento do prezo público, regulado neste acordo, quen solicite ou se beneficie dos servizos ou actividades prestados por este Concello a que se refire o artigo anterior.

Artigo 4º. - Contía.

1. A contía do prezo público regulado nesta ordenanza determinarase aplicando as tarifas seguintes:

	Concepto	Tarifa
1	Saídas dun día	12,00 euros
2	Campamentos, aventuras, viaxes e saídas de máis dun día	15,00 euros/ día
3	Cursos (educación non formal)	
3.1	Duración ata 39 horas	20,00 euros
3.2	Duración entre 40 e 99 horas	100,00 euros
3.3	Duración entre 100 e 300 horas	170,00 euros
4	Suplementos	
4.1	Distancia ó lugar de destino superior a 300 Km	0,03 euros/ km
4.2	Aloxamento	10,00 euros/ noite
4.3	Alugueiro de material	5,00 euros/ día
4.4	Subministración de material para actividades	
4.4.1	Dun día	3,00 euros
4.4.2	De máis dun día	6,00 euros
4.5	Subministración de material para cursos	
4.5.1	Duración ata 39 horas	5,00 euros
4.5.2	Duración entre 40 e 99 horas	20,00 euros
4.5.3	Duración entre 100 e 300 horas	50,00 euros

2. A contía do prezo público regulado neste acordo será a que fixe, en cada caso, o Pleno da corporación, ou en caso de delegación polo mesmo, a Xunta de Goberno Local, de acordo co artigo 47 do Real decreto lexislativo 2/2004, de 5 de marzo, e co artigo 23 da Lei 7/1985, de 2 de abril.

O Pleno da Corporación ou en caso de delegación polo mesmo, a Xunta de Goberno Local de acordo co artigo 44, apartado 2, do Real decreto lexislativo 2/2004, de 5 de marzo poderá fixar prezos públicos que non cubran o custe do servizo ou actividade prestado, dado que nestes casos concorren razóns sociais, culturais ou de interese público que así o aconsellen, ao perseguir con estas actividades a consecución dos mandatos establecidos na Constitución española da adecuada utilización do ocio (artigo 43.3) ou de promover as condicións para a participación libre e eficaz da xuventude (artigo 48)

3. A contía dos prezos públicos aos que se refire este acordo verase reducida na porcentaxe que se sinala en cada un dos supostos seguintes:

a) As persoas que acrediten formar familiar numerosa, o 50 % da cota en cada actividade.

b) Cando se inscriban na mesma actividade ou programa máis dun integrante dunha unidade familiar, o primeiro pagará o 100 % da cota e os seguintes un 50 % da cota.

c) As persoas que acrediten debidamente figurar nos rexistros do paro, ou ben no caso dos menores de idade cando ambos proxenitores ou o titor do participante o acrediten, así como as persoas pertencentes ó voluntariado de Cambre, terán unha bonificación do 30 por 100 da cota. Para acreditar a dita situación, deberase entregar xunto coa solicitude copia da tarxeta do paro actualizada.

d) Os posuidores do “carné xove” ou “carné propio da omix”, así como os integrantes de asociacións xuvenís de Cambre, que así o acrediten, terán unha bonificación do 50 % da cota.

e) As persoas que acrediten a súa falta de capacidade económica para o pagamento da tarifa correspondente segundo o informe dos Servizos Sociais do Concello de Cambre ó respecto, así como os menores ata cinco anos inclusive, terán unha bonificación do 100 % da cota.

No caso de ter dereito a máis dunha bonificación, só se aplicará a maior delas. En caso de que unha das bonificacións aplicables, o sexa por ser a persoa pertencente o voluntariado de Cambre, á maior delas aplicaráselle unha bonificación acumulable do 10%

4. As reducións establecidas no apartado anterior:

4.1 - non serán de aplicación ó suplemento das tarifas establecido no apartado 5 deste artigo núm. 4º, que deberá ser aboado íntegramente polos usuarios.

4.2 - só serán de aplicación a aquelas persoas que figuren empadroadas no municipio de Cambre excepto para:

- os posuidores do “carné xove”
- membros de asociacións xuvenís de Cambre
- membros do Voluntariado de Cambre

5. Os participantes nas actividades e programas que non figuren empadroados no municipio terán un suplemento do 25 % da tarifa xeral.

Artigo 5º.- Obriga do pagamento.

1. A obriga do pagamento do prezo público regulado nesta ordenanza nace dende que se inicie a realización da actividade, se ben se esixe o seu depósito previo de acordo co artigo 46.1 do Real decreto lexislativo 2/2004.

2. No suposto de que por causas non imputables ao interesado deixara de realizarse a actividade solicitada procederase á devolución do depósito constituído.

3. Poderá aprazarse o pagamento das cotas superiores a 150 euros, logo do pedimento dos obrigados, cando a situación da súa tesourería, discrecionalmente apreciada pola Administración, lles impida efectuar o pagamento da súa débeda total, nos casos e na forma que se determina nas bases de execución do orzamento municipal e nos artigos 65 e 82 da Lei 58/2003, do 17 decembro (LXT).

Artigo 6º. - Infraccións e sancións.

As infraccións e sancións rexeranse polo disposto nos artigos 178 e seguintes da Lei xeral tributaria e a súa normativa de desenvolvemento.

Segundo: Publicar o acordo para o seu xeral coñecemento, no boletín oficial da provincia segundo o disposto no artigo 59.6 a) da Lei 30/1992, de 26 de novembro de réxime xurídico das administracións públicas e do procedemento administrativo común.

Terceiro: O presente acordo de modificación de prezos públicos comezará a aplicarse a partir do día 1 de xaneiro do ano 2010, unha vez publicado no Boletín Oficial da Provincia e manterase vixente ata a súa modificación ou derogación expresa.

4º Proposta de aprobación da imposición e ordenación da taxa pola utilización privativa ou aproveitamento especial do dominio público local polas empresas subministradoras de servizos de telefonía móbil e da taxa por aproveitamento especial da vía pública con caixeiros automáticos, adosados aos edificios e con acceso directo dende a vía pública, así como das súas ordenanzas fiscais reguladoras

Vista a proposta do concelleiro delegado da área de Economía, Facenda, Contratación e Patrimonio Municipal de data 16 de outubro de 2009.

Don José Venancio Salcines Cristal expón que esta nova ordenanza, en canto á telefonía móbil se refire, vai supoñer uns ingresos no orzamento municipal de uns 90.000 euros. En canto aos caixeiros automáticos, é máis ben de carácter simbólico.

Concedida a palabra a don Luis Miguel Taibo Casás, de EU-IU, manifesta que lle parece ben recadar diñeiro de onde se poida, aínda que sexa con carácter simbólico como o tema dos caixeiros automáticos, pois poucos hai, pero lembra que hai outros casos en que se está ocupando espazo público, como por exemplo con máquinas expendedoras de lambetadas, etc., e pode haber agravios comparativos. Está ben buscar recursos, pero ao mellor habería que mirar outros supostos para recadar, como no tema dos paneis publicitarios, as terrazas, os vaos, etc., pois en Cambre non se está medindo a todos coa mesma vara.

O Sr. alcalde contesta que, neste momento, estalle dicindo a interventora que se pode incluír nas ordenanzas o tema das máquinas expendedoras.

Don Luis Miguel Taibo Casás contesta que, en canto aos bancos, parécelle ben, pero en canto ao outro suposto, non di nada. Segue dicindo que noutros supostos a ocupación existe permanentemente, incluso ocupando de máis, que un non pode entrar no seu propio portal. Denunciaron iso e atopáronse con casos en que se tiña autorizado unha ocupación de 32 m² e estaban ocupando 60 metros.

Don José Venancio Salcines Cristal contesta que ocupar uns metros máis durante dous meses non supón un incremento considerable.

Don Luis Miguel Taibo Casás responde que se o concello dá permiso para uns metros determinados, debe facelo cumprir.

Don Felipe Andreu Barallobre, do PP, pregunta se se mantén igual a ordenanza fiscal para instalacións e obras.

Don José Venancio Salcines Cristal contesta que se mantén igual.

Don Luis Miguel Taibo Casás pregunta en cantas empresas se vai aplicar.

Don José Venancio Salcines Cristal contesta que a catro compañías importantes.

O Sr. presidente somete a votación ordinaria o asunto. Votan a prol os tres concelleiros do PSdeG-PSOE, os tres concelleiros do PP, os dous concelleiros do BNG, o concelleiro de EU-IU e o concelleiro do GM (PG).

A comisión, por unanimidade dos dez concelleiros que a compoñen, ditamina favorablemente a seguinte proposta de acordos a adoptar polo pleno da corporación:

Primeiro: Aprobar provisionalmente a imposición e ordenación da taxa pola utilización privativa ou aproveitamento especial do dominio público local polas empresas subministradoras de servizos de telefonía móbil e da taxa por aproveitamento especial da vía pública con caixeiros automáticos, adosados aos edificios e con acceso directo dende a vía pública.

Segundo: Aprobar provisionalmente a ordenanza fiscal número 21 reguladora da taxa pola utilización privativa ou aproveitamento especial do dominio público local polas empresas subministradoras de servizos de telefonía móbil e a ordenanza fiscal número 22 reguladora

da taxa por aproveitamento especial da vía pública con caixeiros automáticos, adosados aos edificios e con acceso directo dende a vía pública, segundo se transcribe a continuación:

ORDENANZA FISCAL NÚM. 21

ORDENANZA FISCAL REGULADORA DA TAXA POLA UTILIZACIÓN PRIVATIVA OU APROVEITAMENTO ESPECIAL DO DOMINIO PÚBLICO LOCAL POLAS EMPRESAS SUBMINISTRADORAS DE SERVIZOS DE TELEFONÍA MÓBIL

Artigo 1º.- Fundamento e natureza

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, este Concello establece a Taxa pola utilización privativa ou aproveitamento especial do dominio público local polas empresas subministradoras de servizos de telefonía móbil, que se rexerá pola presente Ordenanza fiscal, as normas da cal atenden ao previsto nos artigos 57, 20 e 24.1 do citado Real decreto lexislativo 2/2004, do 5 de marzo, polo que se aproba a texto refundido da Lei reguladora das facendas locais.

Artigo 2º.- Feito imponible

1.- Constitúe o feito imponible da taxa o goce da utilización privativa, ou os aproveitamentos especiais constituídos no solo, subsolo ou voo das vías públicas municipais, a favor de empresas ou entidades explotadoras ou prestantes de servizos de telefonía móbil, que utilizan o dominio público para prestar estes servizos.

2.- O aproveitamento especial do dominio público producirase sempre que para a prestación do servizo de subministración déban utilizarse antenas, instalacións ou redes que materialmente ocupan o solo, subsolo ou voo das vías públicas municipais, con independencia de quen sexa o titular daquelas.

3.- O pago da taxa regulada nesta ordenanza supón a exclusión expresa da exacción doutras taxas derivadas da utilización privativa ou o aproveitamento especial constituído no solo, subsolo e voo das vías públicas municipais, necesarios para a prestación dos servizos de subministro de interes xeral.

Artigo 3º. Suxeitos pasivos e responsables

1.- Son suxeitos pasivos desta taxa, en concepto de contribuíntes, as persoas físicas e xurídicas, así como as entidades a que se refire o artigo 35.4 da Lei Xeral Tributaria, que sexan explotadoras de servizos de telefonía móbil que afecten á xeneralidade ou a unha parte importante do vecindario, e que utilicen ou aproveiten especialmente o dominio público local, en beneficio particular, con independencia de quen sexa o titular das correspondentes instalacións ou redes.

Para estes efectos, inclúense entre as empresas explotadoras dos devanditos servizos as empresas distribuidoras e comercializadoras deles.

2.- Responderán solidariamente da débeda tributaria as persoas ou entidades a que se refire o artigo 42 da Lei Xeral Tributaria.

3.- Responderán subsidiariamente da débeda tributaria os administradores de feito ou de dereito das persoas xurídicas, os integrantes da administración concursal, e os liquidadores de entidades ou sociedades en xeral, nos supostos e co alcance que sinala o artigo 43 da Lei Xeral Tributaria.

Artigo 4º. Responsabilidades do suxeito pasivo

1.- Cando a utilización privativa ou o aproveitamento especial leve aparelhada a destrución ou deterioro do dominio público local, o beneficiario, sen prexuízo do pagamento da taxa a que houber lugar, estará obrigado ó reintegro do custe total dos respectivos gastos de reconstrución ou reparación e ó depósito previo do seu importe.

2.- Se os danos foran irreparables, os suxeitos pasivos indemnizarán ó Concello en contía igual ó valor dos bens destruídos ou ó importe do deterioro dos danados.

3.- O Concello non poderá condonar, total nin parcialmente, as indemnizacións e reintegros ós que se refiren os apartados anteriores.

Artigo 5º. Base imponible e cota tributaria.

1.- Para determinar a contía da taxa por utilización privativa ou aproveitamento especial do dominio público municipal por parte dos servizos de telefonía móbil, aplicaranse as seguintes fórmulas de cálculo:

a) Base imponible (BI):

A base imponible, deducida da estimación do aproveitamento especial do dominio público polo servizo de telefonía móbil calcularase:

$$BI = Cmf * Nt + (0,95(NH) * Cmm)$$

Sendo:

Cmf = Consumo telefónico medio estimado, en liñas de telefonía fixa, por chamadas procedentes de teléfonos móbiles. Su importe para o exercizo 2010 será o resultado de dividir la facturación por telefonía móbil dirixida á rede nacional entre o número de liñas de telefonía fixa, segundo os datos obtidos do Informe Anual da Comisión do Mercado das Telecomunicacións. O seu importe é de 58,9 euros.

Nt = Número de teléfonos fixos instalados no Municipio. Será resultado de aplicar ó número de habitantes do Concello de Cambre a taxa de penetración da telefonía fixa sobre a poboación, segundo os datos obtidos do Informe Anual da Comisión do Mercado das Telecomunicacións, que é de 10.062

0,95 = Coeficiente redutor estimativo que recollería a penetración da telefonía móbil entre a poboación empadroada no termo municipal de Cambre.

NH = Número de habitantes empadroados no Municipio de Cambre a 1 de xaneiro de 2008 é de 22.900 persoas, última cifra oficial aprobada.

Cmm = Consumo medio telefónico estimado por teléfono móbil. Será resultado de dividir os ingresos totais por telefonía móbil entre o número de teléfonos móbiles, segundo os datos obtidos do Informe Anual da Comisión do Mercado das Telecomunicacións, e que é de 279,10 euros/año.

$$B.I= 58,9*10.062+ ((0,95*22.900)*279,10)= 592.651,8+6.071.820,5= 6.664.472,3$$

b) Cota básica (QB):

A cota básica global determínase aplicando o 1,4 por 100 á base imponible:

$$QB = 1,4\% \text{ s/ BI}$$

$$QB= 1,4\%*6.664.472,3= 93.302,61$$

A cota tributaria por operador determínase aplicando o coeficiente atribuíble a cada un á cota básica global:

$$\text{Cota tributaria/operador} = \text{CE} * \text{QB}$$

Sendo:

CE = coeficiente atribuíble a cada operador, segundo a súa cota de participación no mercado, en función das liñas contratadas, relativo ó ano en curso, publicada por la CMT

c) Imputación por operador.

Para o ano 2010 o valor de CE e a cota trimestral a satisfacer por cada operador son as seguintes:

	CE	Cota anual	Cota trimestral
Movistar	48,87 %	45.596,99 euros	11.399,25 euros
Vodafone	33,10 %	30.883,16 euros	7.720,79 euros
Orange	16,58 %	15.469,57 euros	3.867,39 euros
Yoigo	0,71 %	662,45 euros	165,61 euros
Otros	0,73 %	681,11 euros	170,28 euros

Artigo 6º. Beneficios fiscais.

Non se concederán máis exencións ou bonificacións que as expresamente previstas nas Leis ou as derivadas de tratados internacionais.

Artigo 7º. Devengo e periodo impositivo.

A presente taxa ten natureza periódica, devengándose o primeiro día do periodo impositivo, que coincidirá co ano natural, salvo os supostos de inicio ou cesamento na utilización ou aproveitamento especial do dominio público local necesario para a prestación do servizo, casos en que procederá aplicar o prorrateo trimestral, conforme ás seguintes regras:

- a) Nos supostos de altas por inicio de actividade, liquidarase a cota correspondente aos trimestres que restan para finalizar o exercicio, incluído o trimestre en que ten lugar a alta.
- b) En caso de baixas por cesamento de actividade, liquidarase a cota que corresponda aos trimestres transcorridos dende o inicio do exercicio, incluíndo aquel en que se orixina o cesamento.

Artigo 8º. Normas de xestión.

1.- O Concello practicará as liquidacións definitivas das cotas trimestrais previstas no artigo 5 desta ordenanza que serán notificadas ao suxeito pasivo, que ingresará o importe da débeda tributaria nos prazos establecidos na Lei 58/2003, do 17 de decembro xeral tributaria.

2.- Outras empresas prestadoras de servizos de telefonía móbil presentarán declaración en base aos parámetros establecidos no artigo 5 e tendo en conta o período de prestación efectiva dos servizos durante o ano 2010.

3.- Unha vez concluído o exercizo 2010 os suxeitos pasivos que probaran, en base a datos oficiais, que a súa participación neste período diferira da porcentaxe aplicada aos efectos do cómputo da taxa regulada na presente ordenanza, poderán solicitar a regularización procedente.

Artigo 9º. Infraccións e sancións.

En todo o relativo á cualificación das infraccións tributarias así como á determinación das sancións que polas mesmas correspondan en cada caso, aplicarase o réxime establecido na Lei xeral tributaria e nas disposicións que a complementen e desenvolvan.

Disposición adicional.-

As ordenanzas fiscais dos exercizos futuros poderán modificar o valor dos parámetros Cmf, Cmm, NH, Nt, NH se así procede.

Se non se modifica a presente ordenanza, continuarán sendo de aplicación os parámetros establecidos para o exercizo 2010.

Se a presente ordenanza debe ser aplicada despois do 2010, as referencias a este ano, contidas nos artigos 5 e 8, entenderánse realizadas respecto a cada un dos exercizos nos que se aplique a ordenanza.

ORDENANZA FISCAL NÚM. 22

ORDENANZA FISCAL REGULADORA DA TAXA POR APROVEITAMENTOS ESPECIAIS DA VÍA PÚBLICA CON CAIXEIROS AUTOMÁTICOS, ADOSADOS AOS EDIFICIOS E CON ACCESO DIRECTO DENDE A VÍA PÚBLICA

Artigo 1º. Fundamento e natureza.

En uso das facultades concedidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 331 da Lei 5/1997, do 22 de xullo, da Administración local de Galicia, este Concello establece a Taxa por aproveitamentos especiais da vía pública con caixeiros automáticos adosados aos edificios e con acceso directo dende a vía pública, que se rexerá pola presente Ordenanza fiscal, as normas da cal atenden ó previsto nos artigos 57 e 20.3 do citado Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais.

Artigo 2º. Feito imponible.

Constitúe o feito imponible da taxa os aproveitamentos da vía pública e terreos de dominio público, con caixeiros automáticos e demais aparatos de que se serven as entidades financeiras para prestar os seus servizos, achegados aos edificios, por implicar un aproveitamento especial da vía pública ou unha especial intensidade de uso da mesma, en caso de goce de espazos sen pechar, abertos ó uso público.

A Ordenanza non será de aplicación ós casos de caixeiros e máquinas sitas en espazos delimitados por elementos permanentes de peche.

Artigo 3º. Suxeitos pasivos e responsables.

1.- Son suxeitos pasivos desta taxa, as persoas físicas e xurídicas, así como as entidades a que se refire o artigo 35.4 da Lei xeral Tributaria, beneficiarias da utilización privativa ou aproveitamento especial do dominio público ou a quen afecte ou beneficie, persoalmente ou nos seus bens, os servizos ou actividades públicos que constitúan o seu feito imponible e en calquera caso, a entidade financeira titular do caixeiro automático.

2.- Responderán solidariamente da débeda tributaria as persoas ou entidades a que se refire o artigo 42 da Lei Xeral Tributaria.

3.- Responderán subsidiariamente da débeda tributaria os administradores de feito ou de dereito das persoas xurídicas, os integrantes da administración concursal, e os liquidadores de entidades ou sociedades en xeral, nos supostos e co alcance que sinala o artigo 43 da Lei Xeral Tributaria.

Artigo 4º. Beneficios fiscais.

Non se concederán máis exencións ou bonificacións que as expresamente previstas nas Leis ou as derivadas de tratados internacionais.

Artigo 5º.-Cota tributaria.

A contía da taxa regulada nesta ordenanza será:

Por unidade de caixeiro automático ao ano: 80 euros.

Artigo 6º. Devengo e período impositivo.

A presente taxa ten natureza periódica, devengándose o primeiro día do período impositivo, que coincidirá co ano natural, salvo os supostos de inicio ou cesamento na utilización ou aproveitamento especial do dominio público local necesario, casos en que procederá aplicar o prorrateo trimestral, conforme ás seguintes regras:

- a) Nos supostos de altas por instalación dun novo caixeiro automático ou máquina, liquidarase a cota correspondente aos trimestres que restan para finalizar o exercicio, incluído o trimestre en que ten lugar a alta.
- b) En caso de baixas por eliminación do caixeiro automático ou máquina, liquidarase a cota que corresponda aos trimestres transcorridos dende o inicio do exercicio, incluíndo aquel en que se orixina o cesamento.

En todo caso establécese a obriga de declarar de forma fehaciente, ante a administración municipal a instalación e a desinstalación do caixeiro automático ou máquina. O aproveitamento entenderase prorrogado mentres non se presente baixa debidamente xustificada polo interesado. A tal fin, os suxeitos pasivos deberán presentar a oportuna declaración no prazo dun mes seguinte a aquel no que se retire a instalación.

Artigo 7º. Normas de xestión.

O Concello practicará dentro do primer semestre do ano, ou no momento de producirse a instalación dun novo caixeiro, as liquidacións definitivas da cota anual prevista no artigo 5 desta ordenanza que serán notificadas ao suxeito pasivo, que ingresará o importe da débeda tributaria nos prazos establecidos na Lei 58/2003, do 17 de decembro xeral tributaria.

Artigo 8º. Infraccións e sancións.

En todo o relativo á cualificación das infraccións tributarias así como á determinación das sancións que polas mesmas correspondan en cada caso, aplicarase o réxime establecido na Lei xeral tributaria e nas disposicións que a complementen e desenvolvan.

Terceiro: Estas ordenanzas fiscais reguladoras de taxas, comezarán a aplicarse a partir do día 1 de xaneiro do ano 2010, e manteranse vixentes ata a súa modificación ou derogación expresa.

Cuarto: Expor ao público no taboleiro de anuncios do Concello os citados acordos provisionais, así como o texto completo das novas ordenanzas fiscais durante o prazo de trinta días hábiles, contados dende o día seguinte ao da publicación do anuncio de exposición no Boletín Oficial da Provincia. Igualmente publicarase o de exposición nun diario dos de maior difusión da provincia.

Durante o período de exposición pública da ordenanza, os que teñan un interese directo, nos termos previstos no artigo 18 do Real decreto lexislativo 2/2004, poderán examinar o expediente e presentar as reclamacións oportunas. Transcorrido o período de exposición pública sen presentar reclamacións, os acordos adoptados quedarán definitivamente aprobados.

Quinto: Publicar no Boletín Oficial da Provincia os acordos definitivos que, unha vez transcorrido o período de exposición pública procede adoptar, así como o texto das ordenanzas modificadas.

5º Rogos e preguntas

Non se presentaron rogos por escrito.

Pregunta de EU-IU presentada por escrito

Rexistrada de entrada ao núm. 14.587 o 24 de outubro actual, xunto cos rogos e preguntas ás demais comisións informativas.

1ª Recentemente o concelleiro de Facenda anunciaba a cesión por parte do Arcebispado de Santiago de inmobles e terreos situados na parroquia de Pravio.

- Pode informarnos o concelleiro responsable sobre as bases do acordo e as condicións deste?

Don José Venancio Salcines Cristal contesta que, por agora, o acordo é extraoficial. Trataríase da cesión da casa reitoral por un período estimado de 27 ou 30 anos, e o obxecto sería levar a cabo a realización dunha zona axardinada e restaurar as antigas cortes para facer un centro social para a zona.

Para redactar o convenio coa Igrexa, piden ao concello que diga que se vai facer e canto vai custar. Preténdese facer unha escola-taller, polo que hai que estimar canto vai custar, así pois, vaise sacar a contratación o proxecto da escola para ver o importe exacto do que se vai a facer. O importe aproximado sábese, pero non de modo concreto, que é o que se quere.

Don Luis Miguel Taibo Casás contesta que se de momento non hai nada firme, parécelle esaxerada a publicidade que se está facendo do asunto, pois pode haber algún problema. Lembra cando se ía facer a Casa da Cultura e se perderon 20 millóns, por iso hai que ser cautos e deixar de sacar as cousas na prensa. Si se pode dicir que hai un proxecto e que se intenta facer algo, pero non dar por feitas as cousas, hai que se prudentes.

Don José Venancio Salcines Cristal responde que da política informativa do PSdeG-PSOE son eles os responsables. Se ao final fracasa o proxecto asumirao el ante os veciños, polo que non debe preocuparse. El cre no proxecto, non ve problemas e asume a súa responsabilidade. Se fracasa, el dará a cara.

A continuación, examináronse os asuntos incluídos na orde do día da convocatoria correspondente á:

COMISIÓN INFORMATIVA DE URBANISMO, SEGURIDADE CIDADÁ E

TRANSPORTES

1º Rogos e preguntas

Non se presentaron rogos nin preguntas por escrito.

A continuación, examináronse os asuntos incluídos na orde do día da convocatoria correspondente á:

COMISIÓN INFORMATIVA DE MEDIO AMBIENTE, OBRAS E SERVIZOS

1º Rogos e preguntas

Rogos de EU-IU presentados por escrito

Rexistrados de entrada ao núm. 14.587 o 24 de outubro actual, xunto cos rogos e preguntas ás demais comisións informativas.

1º As estradas do concello sobre todo as das áreas máis urbanizadas, representan un perigo para as persoas que diariamente circulan por elas, este perigo acentúase nos pasos de peóns, motivado en moitos casos na súa situación e mala visibilidade.

O noso grupo unha vez máis prega se faga un estudo para dotar os mencionados pasos de dispositivos reflectantes, e sinalización horizontal e vertical co fin de mellorar a seguridade das persoas.

Don Henrique Xabier Iglesias Oviedo contesta que, segundo informan os técnicos, nas estradas de competencia local está feita a sinalización horizontal e vertical, e están estudando colocar outro tipo de avisos, como por exemplo, reflectantes, bandas rugosas, etc. Aceptan o rogo.

2º As rúa que transcorre dende o Outeiro ata a Penouviña é o nexo de unión natural entre os dous lugares. Veciños/as das zonas manifestaron ao noso grupo a carencia en iluminación a pesar de ser un lugar de abundante circulación, tanto peonil como rodada.

O noso grupo prega se faga o correspondente estudo e se instalen dous punto de luz necesarios para proporcionar máis seguridade a condutores e peóns, que diariamente circulan polo lugar.

Don Henrique Xabier Iglesias Oviedo contesta que non teñen constancia de que se teñan feito solicitudes a este respecto, pero trasladarán o rogo aos servizos técnicos que levan a iluminación para que o estuden e fagan un informe.

Preguntas de EU-IU presentadas por escrito

Rexistradas de entrada ao núm. 14.587 o 24 de outubro actual, xunto cos rogos e preguntas ás demais comisións informativas.

1ª Sobre a rexeneración urbana do Campo da Feira de Cambre. É público e sobradamente coñecido por todos, o especial interese do noso grupo pola recuperación do Campo da Feira como espazo de lecer, encontro e goce de todos os veciños/as, proba diso son as distintas iniciativas presentadas en diversos plenos a través dos anos. O noso grupo fixo no seu

momento suxestións e presentou ideas de como se podería, ao noso xuízo, transformar este contorno tan especial para Cambre.

Rematado o prazo de presentación destas suxestións o noso grupo pregunta:

- En que situación se atopa o proceso de elaboración das bases técnicas para a reforma e acondicionamento do Campo da Feira?

Don Henrique Xabier Iglesias Oviedo contesta que durante este mes recibíronse suxestións, e elaborouse un borrador polo técnico municipal, do que entregou unha copia aos voceiros dos grupos ao comezo da sesión, polo que lles pide que, unha vez o teñan estudado, presenten as suxestións que estimen conveniente.

2ª Dende a Concellería de Turismo anunciábanse actuacións para acondicionar e poñer en valor diversas fontes e lavadoiros do concello que supoñan un referente ou lugar de encontro para os veciños/as.

- Poden informarnos sobre os criterios e preferencias de selección para o seu arranxo?

Dona Gumersinda Becerra Montes contesta que a protección, conservación e posta en valor son os piares básicos polos que se van a rexer. Estes criterios aplicaríanse a todas as fontes do concello, e se engade un máis que é a sustentabilidade. Tamén consideran que hai que valorar máis o uso, porque úsanse máis unhas que outras.

Don Luis Miguel Taibo Casás contesta que, na súa opinión, deberían ter pedido opinións, pois hai fontes como a de Amil, O Toural, ou a de Fontenla que teñen uso e que tamén se deberían ter en conta, polo que cre necesario que se teñan en conta as suxestións dos grupos e incluso dos veciños.

Dona Gumersinda Becerra Montes responde que traballaron o enxeñeiro municipal, os técnicos de Turismo e Patrimonio, e levan pouco tempo, polo que pide que se lles dea unha marxe de actuación.

Don Felipe Andreu Barallobre, do PP, pregunta se se ten constancia no concello de que o xoves pasado unha nena tivo un accidente no parque do Temple. Abriuse a cabeza, presentaron unha denuncia, e a Garda Civil precintou o xogo. Segundo parece, os veciños quitaron o precinto durante a fin de semana.

Don Henrique Xabier Iglesias Oviedo contesta que non ten coñecemento deses feitos, que mañá preguntará e, non obstante, deberían telo comunicado ao concello, que é o propietario.

A continuación, examináronse os asuntos incluídos na orde do día da convocatoria correspondente á:

**COMISIÓN INFORMATIVA DE EDUCACIÓN, DEPORTES, CULTURA,
BENESTAR SOCIAL E NORMALIZACIÓN LINGÜÍSTICA**

1º Rogos e preguntas

Rogos de EU-IU presentados por escrito

Rexistrados de entrada ao núm. 14.587 o 24 de outubro actual, xunto cos rogos e preguntas ás demais comisións informativas.

1º Sobre a Casa da Cultura. Recentemente saíu publicado nos medios de comunicación diversas informacións sobre o inminente final da longa e complexa historia da construción da Casa da Cultura.

O noso grupo prega:

- Se nos informe polo miúdo do estado actual do proxecto da nova Casa da Cultura de Cambre.

O Sr. alcalde contesta que o proxecto se entregou fai unha semana, aprobouse e mandouse á Deputación, e cre que irá ao vindeiro pleno.

Don José Antonio Baamonde López, do PP, engade que se aprobou en comisión informativa a modificación de crédito e que se vai aprobar no pleno do venres.

Don Luis Miguel Taibo Casás pregunta como se fixo a contratación.

O Sr. alcalde contesta que se encargou a Emilio Cortés e está arredor dos 23.000 euros.

2º A implantación da receita electrónica estase convertindo nun elemento importante para a mellora da calidade da atención sanitaria, e nunha ferramenta clave para o control no gasto

sanitario, ademais de contribuír á redución de visitas aos centros de saúde para solicitar receitas, desconxestionando así as consultas na atención primaria, sendo na actualidade varios os centros de saúde que xa teñen implantada esta modalidade con resultados positivos.

Ante isto:

- O noso grupo municipal de EU-IU prega ao goberno, inicien as xestións e realicen os trámites necesarios ante os organismos oportunos para que a cidadanía de Cambre poida dispoñer do mencionado servizo e mellorar a atención sanitaria no concello.

O Sr. alcalde contesta que estiveron falando co Dr. Louro. Cando se iniciou o centro de saúde de Cambre foi un dos primeiros en montar o sistema informático, e descargar todos eses datos na rede que está montando a Xunta vai levar tempo. O Dr. Louro di que podería estar a principios de ano e conclúe dicindo o Sr. alcalde, que parece ser que se está facendo un gasto máis forte na farmacia.

Don Luis Miguel Taibo Casás responde que non coincide co último que dixo o Sr. alcalde. Os farmacéuticos e médicos cos que falou sobre o tema din que non se colapsan os centros de saúde, pois as receitas teñen validez para 30 días, non 15 como agora, polo que non se colapsan os centros de saúde, e sacan traballo aos médicos. Cre que se aforrará moito diñeiro con isto.

O Sr. alcalde contesta que, segundo o Dr. Louro, valórase para as receitas en enfermidades longas, pero aquí danse as receitas a tres meses e cada tres meses non está de máis que o médico vexa oa paciente. De todas formas, xa o pediron. Acéptase o rogo.

Non se presentaron preguntas por escrito.

Por último, examináronse os asuntos incluídos na orde do día da convocatoria correspondente á:

COMISIÓN INFORMATIVA DE PARTICIPACIÓN CIDADÁ, IGUALDADE E

TURISMO

1º Rogos e preguntas

Non se presentaron rogos nin preguntas por escrito.

E non habendo máis asuntos que tratar, cando son as vinte horas e cincuenta e cinco minutos, levántase a sesión, e, a teor do establecido no artigo 134.1, alínea 5ª do Regulamento orgánico municipal, exténdese a presente acta única, que é asinada polos presidentes das Comisións Informativas, de todo o cal, eu, secretaria, dou fe.

Presidente da Comisión Informativa de
Economía, Facenda, Contratación,
Patrimonio Municipal e Réxime Interior

Presidente da Comisión Informativa de
Urbanismo, Seguridade Cidadá e
Transportes

José Venancio Salcines Cristal

Antonio Varela Saavedra

Presidente da Comisión Informativa de
Medio Ambiente, Obras e Servizos

Presidente da Comisión Informativa de
Educación, Deportes, Cultura, Benestar
Social e Normalización Lingüística

Henrique Xabier Iglesias Oviedo

Jaime Manuel López Lisnier

Presidente da Comisión Informativa de
Participación Cidadá, Igualdade e
Turismo

A secretaria xeral

Laura Fernández Martínez

Mª Luisa de la Red Ampudia